



Bosnia and Herzegovina
Federation of Bosnia and Herzegovina

CANTON SARAJEVO
Ministry of Physical Planning Construction and
Environmental Protection

Broj: 05-05-23628-34/19 III MG
Sarajevo, 19.07.2019. godine

SKUPŠTINA KANTONA SARAJEVO
n/r Elmedin Konaković, predsjedavajući
- ovdje -

PREDMET: Odgovor na zastupničku inicijativu zastupnice Bibije Kerla

Zastupnica Bibija Kerla na Desetoj radnoj sjednici Skupštine Kantona Sarajevo, održanoj dana 24.06.2019. godine, u okviru tačke Dnevnog reda „Poslanička/zastupnička pitanja, inicijative i odgovori“, u skladu sa članom 213. Poslovnika Skupštine Kantona Sarajevo pokrenula je zastupničku inicijativu:

“Pokrećem inicijativu o izbacivanju plastičnih kesa u svim maloprodajnim objektima.

Obrazloženje: Svi vrlo dobro znamo koliku štetu u zaštiti okoliša nanose plastične kese. Uzmimo samo korita rijeka koja su okićena plastičnim kesama, izletišta i sva druga javna mjesta. Bilo bi dobro da Skupština na nekim od narednih sjednica donese Odluku o zabrani upotrebe plastičnih kesa, s tim da se da određeni rok da se objekti koji prodaju robu a ujedno i plastične vreće prilagode ovoj Odluci. Ova odluka je stupila na snagu u ostalim državama u regionu, pa ne vidim nikakav problem da se to ne sprovede i kod nas.”

ODGOVOR:

Upravljanje ambalažom i ambalažnim otpadom, u koji spadaju i kese kao primarna ambalaža, uređeno je Pravilnikom o upravljanju ambalažom i ambalažnim otpadom (“Službene novine Federacije BiH” broj 88/11, 28/13, 8/16, 54/16, 103/16, 84/17), donesenim na osnovu Zakona o upravljanju otpadom (“Službene novine Federacije BiH” br. 33/03, 72/09, 92/17).



Na osnovu Zakona o Fondu za zaštitu okoliša Federacije Bosne i Hercegovine ("Službene novine Federacije BiH", broj 33/03) donesena je Uredba o naknadama za plastične kese tregerice ("Službene novine Federacije BiH", broj 9/14). Uredbom je regulisano uvođenje naknade za plastične kese tregerice, čija debljina stijenke ne prelazi 20 mikrona, sa ili bez aditiva za razgradnju, čije su ručke sastavni dio kese, osim kesa u koje se pakuje rifuzni materijal, ukoliko se iste ne nalaze na kasi. Tanke plastične kese sa ručkama (kese u tuljcima ili pojedinačne kese) u koje se pakuje voće, povrće, rinfuzni i drugi rastresiti proizvodi, kao i sve ostale kese koje se stavljaju u promet, su predmet Pravilnika o upravljanju ambalažom i ambalažnim otpadom i nisu predmet ove Uredbe, osim ako se besplatno distribuiraju kupcima na kasi kao kese za kupljenu robu.

Cilj uvođenja naknade je smanjenje upotrebe plastičnih kesa, koje odbačene onečišćuju okoliš, te stimulisanje upotrebe dugotrajnih platnenih i papirnatih kesa. U samom tekstu Uredbe ne postoji odredba vezano za naplatu prometa plastičnim kesama, a prodaja plastičnih kesa reguliše se u skladu sa važećim poreskim propisima. Obveznici su svi trgovci (trgovačke radnje, marketi, supermarketi, pekare, kiosci, apoteke, prodavnice mješovite robe i dr.) registrirani na području Federacije BiH, koji kese troše za vlastite potrebe ili ih stavljaju u promet. Nadzor nad provođenjem Uredbe vrši Inspekcija zaštite okoliša i Tržišna inspekcija, svako u okviru svojih nadležnosti na nivou Federacije BiH, kantona, grada i općine.

Budući da problematiku stavljanja na tržište kesa kao proizvoda tretiraju gore navedeni federalni propisi, ali i federalni propisi koji se bave tržištem, a posebno Zakon o unutrašnjoj trgovini («Službene novine Federacije BiH» br. 40/10 i 79/17), Ministarstvo prostornog uređenja, građenja i zaštite okoliša, koje je nadležno za oblast upravljanja otpadom, nema nadležnost za poduzimanje aktivnosti iz predmetne inicijative.



Damir Filipović, MA prava

Dostaviti:

- Naslovu
- Vlada Kantona Sarajevo
- Evidencija
- a/a



web: <http://mpz.ks.gov.ba>
e-mail: mpz@mpz.ks.gov.ba
Tel: + 387 (0) 33 562-029,
Fax: + 387 (0) 33 562-031
Sarajevo, Reisa Džemaludina Čauševića 1

